

IMAKp sinnisoqarfiata ataatsimiinnera 2004

Hotel Arctic, Ilulissat ulloq 17. – 18. april 2004

Ullormut oqaluuserisassat

1. Ataatsimiinnerup ammarneqarnera
2. Ataatsimiinnermi najoqqutassaq
3. Siulittaasup nalunaarutaa
4. Ilinniartitsisutut sulinermi ileqqorissaarnikkut anguniartuagassaq
5. Tunngavigisat suliniutillu programiat
6. IMAKp ileqqoreqqusaasa ilaasa allanngortinnissaannik siunnersuutit
7. Naatsorsuutit
8. Missingersuutit aamma ilaasortaanermut akiliutip qaammatisiutit ukuiannut tullermut aalajangerneqarnera.
9. Danmarks Lærerforeningip kongresianut ilaasortassamik qinersineq
10. Isornartorsiuiutigalutik kukkunersiuisunik sunniisussaannillu qinersineq
11. Taasariaqartut allat

1. Ataatsimiinnerup ammarneqarnera

Arfininngorneq, ulloq 17. april IMAKp siulittaasua Sivso Dorship ataatsimiinneq ammarpaa sinnisullu tikilluaqqullugit.

Imaqarniliuisutut siulersuisoqarfiup toqqarpaa Jens Sylvest Pedersen

Siulittaasup siulersuisoqarfik sinnerlugu siunnersuutigaa Mikkel Michelsen aqutsisussatut
Mikkel Michelsen aqutsisutut qinerneqarpoq .

Mikkel Michelsen qinigaanermi qujavoq, paasivaalu sinnisoqarfiup ataatsimiinnissaa IMAKp ileqqoreqqusai malillugit ilimasaarutigineqarsimasoq taamaalillunilu paasillugu, ataatsimiinneq pissusissaq eqqorlugu ilimasaarutigineqarsimasoq aggersaassutigineqarsimasorlu

Tamatuma kingornagut sinnisoqarfiup ilaasortaasa aqqi Lisbeth Frederiksenimit suaarutigineqarput:

Stepfen P. Andersen, Aasiaat (peqataavoq 13.30miit)	Lars E. Hansen, Alluitsup Paa
Elna Heilmann, Maniitsoq	Elisa Isaksen, Nuuk
Nikolaj Jensen, Qadigiannugit	Torsten E. Jennsen, Tasiilaq
Trine Juul, Nuuk	Erik S. Jørgensen, Qaqortoq
Birthe Kleist, Sisimiut	Bent Ole Knudsen, Paamiut

Pierre André Krogh, Narsaq
Abigael Lennert, Upernavik
Aase Lundfald, Ilulissat
Kattie E. Motzfeldt, Narsaq
Frederik Nielsen, Uummannaq
Cecilie Vahl, Nuuk
Hector L. Sørensen, Aasiaat
Johan Reimer, Aasiaat
Paul Raahauge, Nanortalik

Eli Larsen, Ittoqqortoormiit
Johanne Olsen, Nuuk
Karno Lynge, Nuuk
Ando Møller, Qeqertarsuaq
Ulla Nielsen, Sisimiut
Looqi Schmidt, Ilulissat
Ivalu Motzfeldt, Qaanaaq (pisinnaangilaq)
Ester Rosing, Nuuk
Sivso Dorph, Nuuk

2. Ataatsimiinnerup ingerlanissaanut najoqqutassap akuerineqarnera

Ataatsimiinnerup ingerlaneranut najoqqutassatut siulersuisoqarfiup siunnersuutaa tamanit akuerineqarpoq.

Tamatuma kingornagut taasinernik kisitsisussaat 4't qinerneqarput: Torsten E. Jensen, Tasiilaq, Frederik Nielsen, Uummannaq, Hector Sørensen, Aasiaat aamma Lars E. Hansen, Alluitsup Paa

3. Siulittaasup nalunaarutaa

Siulittaasup nalunaarutini aallarnerlugu tikilluaqquai Enok Sandgreen, KANUKOKAmi siulittaasup tullia Frantz Tremel, kontorchef KIIPimi aamma Anders Bondo Christensen, Danmarks Lærerforening'imut siulittaasoq, tamatuma kingornagut siulittaasuup nalunaarutini saqqummiuppaa.

Siulittaasup nalunaarutaata kingornagut oqaaseq tunniunneqarpoq Enok Sandgreenimut KANUKOKAmi siulittaasup tullia aamma sinniisoqarfiup ataatsimiinneranut qaaqqusamut – takuuk ilanngussaq.

Tamatuma kingornagut oqaaseq tunniunneqarpoq kontorchef Frantz Tremel'imut KIIPimeersumut – takuuk ilanngussaq.

Kingulliulluni oqaaseqartuuvoq Anders Bondo Christensen, Danmarks Lærerforeningip siulittaasua, qujasoq qaaqquneqarnerminut oqaatsimullu kusanartunut DLFimut atassuteqarneq pillugu siulittaasup nalunaarutimini oqaatigisaanut aamma IMAKp DLFillu akunnerminni suleqatigiinnerat pitsaasoq pillugu.

Anders Bondo Christensenip nuannaarutigaa apuussinnaagamiuk Danmarkimi ilinniartitsisut inuulluaqqussutaat neriutugalugulu, suleqatigiinneq pitsaasuujuaannassasoq. Nuannaarutigaa paasillugu ilinniartitsisutut sulinermi ileqqorissaarnikkut anguniartuagassaq oqaluuserisassaniimmat taallugulu, isiginiarluarneqassasoq, atuarfimmi pitsaassuseq tassaasoq, ilinniartitsisut ajunngitsut, nuannaartut piareersarluarsimasut, kisianni aamma tamatuma piumasarigaa, atorfeqartitat ajunngitsunik pissutissaqarnissaat.

Naggasiutigalugu pilluaqqusivoq kalaallit nunaanni atuarfimmi iluarsaaqqinnerit nutaarpassuit pissutigalugit.

Siulittaasoq Sivso Dorhip oqaatsit kusanartut qujassutigai oqaluttuaralugulu, DLFíp misilittagarpassui Kalaallit Nunaanni atorluarsimallugit.

Aqutsisup oqalugiaat agguanneqartippaa, misissorluarneqarsinnaaqullugu. Peqatigitillugu agguanneqarpoq aqutsisup siunnersuutaa, siulittaasup nalunaarutaata agguarneqarnissaanik. Tamatuma kingornagut ataatsimiinneq nal. 10.15 kinguartinneqarpoq nal. 13.30' mut.

Nal. 13.30 ataatsimiinneq nanginneqarpoq.

Aqutsisup aallarniutigaa nassuiaateqarfigalugu, qanoq takorloorini, nalunaarut suliarineqarsinnaasoq, tassanilu ilanngullugit siunnersuutit nassiunneqarsimasut. Aqutsisup periaasia oqaaseqarfigineqanngilaq.

Siulittaasup nalunaarutaa 2004p agguataarneqarnera

Qulequtaq	Siunnersuuteqartoq	No.	Allassim	Oqalull
Ilinniartits perors tunngas				
Atuarfitsialak			Qup 4	Qup 2 –3
Ilin Ilinniart iluarsaaqqinneq			Qup 4 - 6	Qup 3
Ilin ilinniart siunnersuisoqat			Qup 7	
Inerisaavik			Qup 7	Qup 3 –4
Ilinniarfissuaq			Qup 7	Qup 3 –4
Meeqq sumiginnakkat	Trine Juul paasisutissiivoq atuarfimmini meeraatini pill	m		Qup 4, 8
Suliamut tunng				
Piffissaq suliffik			Qup 8-10	Qup 5
Ok 2003, isumaqatigiissut			Qup 11- 13	
Saqits (mattussi, suliumajun			Qup 13 -15	
Sukeqatigiin ataatsimiitital			Qup 15	Qup 5
Feeriarl angala aningaasaat			Qup 15 -16	Qup 5
Sulinermi avatangiisit	Ruth Mathæussen, Agapeta Skifte; sulinermik nakkutill atuarf minnerni	g	Qup 16 –17	Qup 5 –6
Soraarning tunng PFA , LP	Johan Reimer penionit nalunaarsuutaat	n	Qup 17	Qup 6 –7, 8
	Cecilie Vahl pitsaassuts ineriartortits	c		Qup 7
	Cecilie Vahl ernineq/meeq napparsim	d		Qup 7
	Elna Thomsen Heilman STI praktikantit	e		Qup 7
	Ruth Mathæusen Agapeta Skifte sunngif pisor	f		Qup 7
	Trine Juul tapiisarneq	i		Qup 7
	Trine Juul isumaqat aam tjenestem atorfeq	j		Qup 7
	Trine Juul 2-ilinniartitsisoqartarnerit	l		Qup 7
	Cecilie Vahl ineqarneq	o		Qup 7
	Trine Juul ineqarneq	k		Qup 7

	Erik S. Jørgensen pensionerneq suliarlu	P		Qup 7
Aaqqissugaanermut tunngasut				
Peqatigiiffik			Qup 17	Qup 7 –8
Ilaasortat	Aase Lundfald ileqqoreq allannguutaat	a	Qup 18	Qup 8
	Aase Lundfald vedtægtændringer	b		
Ilaasort ataatsimiittarn			Qup 18	Qup 8
Siulersuisoqarfik			Qup 18 -19	Qup 8
TR-kursit			Qup 19	Qup 8
Ilinn sulin ileqq anguartuag			Qup 19 -20	Qup 9
Tunngavig suliniutil progr			Qup 20	Qup 9
Aningaasaqarneq			Qup 20	Qup 9
Allattseqarfik			Qup 21	Qup 10
Danmarks Lærerforening			Qup 21	Qup 10
Nordiske Lærerforeningers Samråd			Qup 21	Qup 10
ICC			Qup 21 -22	Qup 10
Suleqatiginninn sul. tunng kattuffinnik allanik			Qup 22	Qup 10
KANUKOKA/ nakuusern pill atuagaaqqiaq			Qup 22	Qup 11 – 11
KIIP			Qup 22 -23	Qup 11
Allat				
Illiniartitsioq	Trine Juul atuagassiaq	h	Qup 23	
Hjemmesiden/Quppern paasissutissiisarfik			Qup 23	
Tjenestemænds. Låneforening kiisalu Danmarks Lærerforenings Låneforening, taarsigassarsi			Qup 23 -24	
Nalunaarsuutit				

Tamatuma kingornagut siulittaasup nalunaarutaa misissuataarneqarpoq.

Ilinniartitsilluni perorsaanermut tunngasut

Atuarfitalak – atuarfik ajunngitsoq

Oqaaseqarfigineqanngilaq

Ilinniartitsisunik ilinniartitsinerup iluarsaaqqiffiginera

Oqaaseqarfigineqanngilaq

Ilinniartitsinik ilinniartitaanermut siunnersuisoqatigiit

Oqaaseqarfigineqanngilaq

Inerisaavik

Trine Juul, Nuuk isumaqarpoq, paasissutissiisoqarsimasariaqaraluartoq, atuagaq angajoqqaat nappersagassaattut pilersaarut pillugu.

Siulittaasoq Sivso Dorþip ajuusaarutigaa, tamanna pisimanngimmat, kisianni siulersuisoqarfiup ilisimasimanngilaa, namminneq kingusissukkut ilisimatinneqarsimagamik.

Ilinniarfissuaq – seminarier

Birthe Kleist, Sisimiut paaserusuppaa, qanoq iliuseqartoqarsimanersoq angutit amerlanerusut ilinniartitsisunngorniatut ilinniagaqaleqqullugit.

Siulittaasoq Sivso Dorþ akivoq, ineriartorneq pitsaasuunngitsoq, kisianni ammalluni isumassarsianut ajunngitsunut angatit arnallu agguataarnerata pitsaanerulersinneqarnissaanut.

Meeqqat sumiginnakkat

Trine Juul, Nuuk siunnersuutimini pivaa, atuarfitsialak pilluguangajoqqaanut paasissutissat amigartut. Kisianni paasissutissat taakkuussapput, atuakkami angajoqqaanut paasissutissiissutigineqartussat, Inerisaaviup aalajangereersimasaa saqqummersinneqarumaartutut. Taamaattumik Trine Juulip siunnersuutini tunuartippaa..

Tamatuma kingornagut aqutsisup immikkoortoq tamarmiusoq taanna taasissutigittippaa. Nalunaarummi immikkoortoq ilinniartitsilluni perorsaanermut tunngasoq tamanit akuersissutigineqarpoq.

Pissutsit suliamut tunngasut

Piffissaq suliffiusoq pillugu isumaqatigiissut

Bent Ole Knudsen, Paamiut suleqatini sinnerlugit qujavoq, suliaq suliarilluagaq pillugu.

OK 2003, Isumaqatigiissut

Oqaaseqarfigineqanngilaq.

Saqitsaanneq (mattussigallarneq sulumajunnaarnerlu

Oqaaseqarfigineqanngilaq

Suleqatigiinnermut ataatsimiititaliaq

Oqaaseqarfigineqanngilaq

Feeriarluni angalanissamut aningaasaateqarfik

Oqaaseqarfigineqanngilaq

Sulinermi avatangiisit

Aase Lundfald, Ilulissat nassuiaavoq, siunnersuutini nunaqarfiit ilaanneersuusooq, misigisimasunit sumiginnagaasutut nunaqarfinni atuarfinni sulinermi pissutsit eqqarsaatigalugit, kisianni peqatigitillugu paasisinnaallugu, pissutsit qanoq iliuseqarfiginiarlugit suliniartoqartoq.

Siulittaasoq Sivso Dorph akivoq, soorlu nalunaarutip oqalulluni nalunaarutitaani taaneqartoq, sulinermit nakkutilliisoqarfik atassuteqarfigineqassasoq. Tamatuma kingornagut Aase Lundfaldip siunnersuut tunuartippaa.

Soraarninngornermut tunngasut PFA aamma LP

Johan Reimer, Nuuk - siunnersuut n, siunnersuutini pitsaaneruseq naluarsuusioriaaseq soraarnerussutisiaqalernissamut akilersuutit pillugit tunuartikkumallugu..

Siulittaasoq Sivso Dorph aammattaq uppersarsinnaavaa, siulersuisoqarfiup sulissutiginiaraa, paasissutissat soraarnerussutisiaqalernissamut akilersuutit ajunnginnerusunnngortinneqassasut, atorsinnaanerusunngorlugit, soorlu akissarsiat akileraarnermut tunngasumik nammineq nalunaarsorneranni.

Tamatuma kingornagut aqutsisup paasivaa, siunnersuutit tamarmik n, c, d, e, f, i, j aamma l immikkoortoq tassani isumaqatigiisummut tunngassuteqartut.

Siulittaasoq Sivso Dorph siunnersuuteqartut tamaasa oqaloqatigisimavai, tamarmillu siunnersuutit tunuartikkumavaat, saqqummiunneqarnissaannullu utaqqikkumallugit sinniisoqarfiup ataatsimiinneranut tullermut ukioq isumaqatigiinniarfiusumi, tassani siunnersuutit ilanngunneqassallutik, siunnersuutit allat assigalugit tulleriarinissamut. Tamatuma saniagut siulittaasoq oqarpoq, ileqqoreqqusatsinni ersinnerusariaqartoq, isumaqatigiinniarinissamut siunnersuutit qaqugu piffissaq eqqorlugit saqqummiunneqarsinnaanersut. Taamaattumik siulersuisoqarfiup suliarissavaa siunnersuut ileqqoreqqusat allannngortinneqarnissaannut ileqqusumik sinniisoqarfiup tullianik ataatsimiinnissaanut.

Aqutsisoq siunnersuuteqartunut saaffiginnippoq aperalugillu isumaqataanersut siunnersuutit tunuartissallugit – isumaqataappullu.

Siunnersuutit o aamma k pillugit aqutsisoq siunnersuuteqarpoq, taakku ataatsimoortillugit oqaluserineqassasut.

Cecilie Vahl, Nuuk – siunnersuut o – uparuarpaat tunaartarisamut tulluannngitsooq Nuummi inissanik tunniussisarneq, utaqqisut pissutigalugit taamaallaat pisinnaatitaaffiit malillugit tunineqartarlutik. Tamanna pitsaanngilaq, ilinniartitsisut atorfissaqartinneqarmata.

Trine Juul, Nuuk – siunnersuut k – sianigeqquaa Nuummi najugaqarniarnikkut pissutsit pitsaannginnerat, tassami soraarninngornermi atorfilittut inigisaq qimattariaqartarmat..

Siulittaasoq Sivso Dorph nassuiaavoq, siulersuisoqarfiup annertusarniaraa paasissutissiisarneq soraarnermi ineqarnermut tunngasut pillugit. Nuummi inissaqarniarnermut tunngasut pillugit siulersuisoqarfiup Nuup kommunia piffissami sivilisunerusumi oqaloqatigisarsimavaa, kommunillu inissanik tunniussisarneq maannakkut pisoq pillugu periaatsini allannngortissimavaa. Tamannali sunniuteqanngilaq atorfinitsitanut, aasakkut 2003’mi manna tikillugu inissamik tunineqarsimasunut. Tamatuma saniagut Nuup kommuniata aalajangiusimavaa

periaatsini, meeqqat 18'it qaangerlugit ukioqartut ilaqutariit inuttaqqortussusiannut ilaanngitsut. Taamaattumik siulersuisoqarfiup suliassat arlallit peqatigiiffiup inatsisilerituuanut advokatimut tunniuppai, taassumalu piareersarpaa Nuup kommuniata eqqartuussivimmu aggersarneqarnissaa. Taamaattumik siulittaasup siunnersuutigaa, Cecilie Vahlip, Nuuk aamma Trine Juulip, Nuuk siunnersuutitik tunuartissagaat, taamaaliorpullu.

Erik S. Jørgensen, Qaqortoq isumaqarpoq, piffissaq suliffiusoq pillugit isumaqatigiissut nutaap pisariaqalersissagaa amerlanerusunik nutaanik ilinniartitsisoqalernissaq. Taamaattumik isumassarsiaq ajunngitsuusaaq, pissutsit pitsaanerulersissallugit ilinniartitsisunut utoqqaanerusunut, pissutsit ilaat soraarninngortunut allanngortillugit, sivisunerulaartumik maaniittartussanngorlugit, Danmarkimut nuunnatik, tassani pissutsit pitsaanerummata
Siulittaasoo Sivso Dorph akivoq, malittarisassat kaajallaasitaq najoqqutaralugu aalajangersagaasut. Siulersuisoqarfiup aallartereerpa suliniuteqarneq tunaartaralugu sulisitsisut atassuteqarfiginissaat aalajangersakkat atuuttut allanngortinneqarnissaannut isumaqatigiinniarnert piumaartut utaqqinagit. Taamaattumik siulittaasup Erik S. Jørgensen, Qaqortoq, siunnersorpaa, siunnersuutini tunuartissagaa, taamalu pisoqarpoq.

Birthe Kleist, Sisimiut piffissaq suliffiusoq pillugu isumaqatigiissut uterfigilaarumavaa tusarumallugu, suliassat aalajangersimasut suunersut, kommuninut ataasiakkaanut isumaqatigiinniutigineqarsinnaasut.

Siulittaasoo Sivso Dorph akivoq, tassaasinnaasut suliassat, piffissaq suliffiusoq pillugu isumaqatigiissummi taaneqanngitsut.

Birthe Kleist, Sisimiut aammattaaq paasiumavaa, kia kalaallisuunngorlugit nutsertassanera qanoq iliuusissanut pilersaarutit, kingornamut suliarineqartartussat atuartunut ataasiakkaanut atortussatut, ilinniartitsisut qallunaatut oqaasillit suliarisartagassaat.

Siulittaasoo Sivso Dorph akivoq, tamanna kommunip suliassarigaa, tassaannngitsorlu ilinniartitsisut kalaallisut oqaasillit suliassaat.

Tamatuma kingornagut aqutsisup immikkoortoq suliambut tunngasut taasissutigittippaa. Tamanit akuerineqarpoq.

Aaqqissugaanermut tunngasut

Peqatigiiffik

Oqaaseqarfigineqanngilaq

Ilaasortat

Aase Lundfald, Ilulissat – siunnersuut a – isumaqarpoq, isumassarsiaq ajunngitsuusoq, siammasissumik ilinniartitsisunngorniat ilaasortaannermut akiliuteqartarunnaarsikkaanni.

Siulittaasoo Sivso Dorph akivoq, siulersuisoqarfiup inassutigisinnaanngikkaa, ilaasortaannermut akiliisarunnaarnissaq, siammasissumik ilinniartitsisunngorniat atorfinitsitaasimagaangata, IMAK atorfeqarnermut tunngasumik ajornartorsiuteqaleraangat sullissisussaammat ilaasortat allat sullinneqarnerata pissuseqataani. Tamatuma saniagut akilertarparput 84 kr/qaammammut Danmarks Lærerforeningimut ilaasortavut tamaasa akiliullugit. Taamaattumik Siulittaasoo Sivso

Dorphip siunnersuutigaa, Aase Lundfaldip, Ilulissat, siunnersuutini tunuartissagaa. Taavalu Aase Lundfald taamaaliorpoq.

Aqutsisup ilisimatitsissutigaa, Aase Lundfaldip, Ilulissat siunnersuutaa b ilanngunneqarsimasoq siulersuisoqarfiup siunnersuutaanut ileqqoreqqusat allannguutissaannut.

Ilaasortanik ataatsimiititsisarnerit

Ulla Nielsen, Sisimiut nuannaarutigai ilaasortanik ataatsimiititsisarnerit

Siulersuisoqarfik

Oqaaseqarfigineqanngilaq

TR-kursusit

Oqaaseqarfigineqanngilaq

Ilinniartitsisutut sulinermi ileqqorissaarnikkut anguniartuagassaq – aammattaaq

kingusinnerusukkut oqaluuserisassanut immikkut ilaavoq.

Oqaaseqarfigineqanngilaq

Tungavigisat suliniutillu programiat – aammattaaq kingusinnerusukkut oqaluuserisassanut

immikkut ilaavoq

Oqaaseqarfigineqanngilaq

Aningaasaqarneq

Oqaaseqarfigineqanngilaq

Allatseqarfik

Oqaaseqarfigineqanngilaq

Danmarks Lærerforening

Oqaaseqarfigineqanngilaq

Nordiske Lærerforeningers Samarbejde

Oqaaseqarfigineqanngilaq

ICC

Elisa Isaksen, Nuuk: Qanoq sivilutigisumikl Kista Holm, Nuuk, ingerlaannassava IMAKp ICC'mi sinniisuatut.

Siulittaasoq Sivso Dorph akivoq, Kista Holm ICCmut ilaasortaajuartoq, ingerlaannassaarluni, IMAKp siulersuisoqarfianut ilaasortaangikkaluarluni, pissutigalugit ICCp malittarisassai, ima aalajangersagartaqartut, qinigaaffik naallugu tassaniissasoq.

Suleqatiginneq

Oqaaseqarfigineqanngilaq

KANUKOKA/nakuusernermut atuagaaqqiaq

Trine Juul, Nuuk: Nakuuserneq pillugu atuagaaqqiaq nuannaraarput.

Ilaqutissarpassuarnik aasasaqarfiuvoq.

Siulittaasoq Sivso Dorph: Atuagaaqqiaq qanittunnguakut atuarfinni tamaniilissaaq.

KIIP

Oqaaseqarfigineqanngilaq

Aqutisup tamatuma kingornagut immikkoortoq aaqqissugaanermut tunngasut taasissutigittippaa.

Tamanit akuerineqarpoq.

Allat

Ilinniartitsisoq

Trine Juul, Nuuk – siunnersuut h – isumaqarpoq peqatigiiffiup atuagassiaa nutartertariaqalivissoq. Suliamut tunngasumik oqalliffik amigaatigaarput assingusumik ”Folkeskolen”imut. Atuagassiap saqqunnertarneri ikilisinneqarsinnaapput sinnerilu pitsaaneruseq atorlugit.

Siulittaasoq Sivso Dorph akivoq, siulersuisoqarfiup kissaatigigaa ilanngutassiaqartassasoq siulersuisoqarfimmut ilaasortaannaanngitsunit. Isumaqarpugut normut 6 ukiumut naleqqutissasut, tassuunakkut sipaarniarlugu qasseriarluni saqqummertarnera taarsiullugulu aviisiliortut atorfiginagu sulisussat akilertarlugit sulisillugit.

Trine Juul, Nuuk sukkasuumik qisuariarfigineqarusuppoq.

Siulittaasoq Sivso Dorph: Sapinngisatsinnik iliorniassaagut, oqaluuserisimavarpullui juullertinnagu normut pingasut saqqummerissallugit.

Looqi Schmidt, Ilulissat: Atuarfitsinni atuagassiaq pillugu isumassarsiaq tapersorsorparput, nuannaarpugullu qanoq pisoqalermat.

Tamatuma kingornagut Trine Juul, Nuuk siunnersuut tunuartippaa.

Hjemmesiden/Qupperneq paasissutissiisarfik

Oqaaseqarfigineqanngilaq

Taarsigassarsinermut peqatigiiffiit

Oqaaseqarfigineqanngilaq

Aqutisup immikkoortoq Allat tamaat taasissutigittippaa.

Tamanit akuerineqarpoq.

Taannalu tassaammat nalunaarummi immikkoortoq kingulleq, nalunaarut tamarmi maanna taasissutigineqarpoq..

Tamanit akuerineqarpoq.

Tamatuma kingornagut aqutisup ataatsimiinneq taamaatitippaa nal. 14.25 nangeqqillugulu 10 minutit unikkallarnerup kingornagut.

Nal. 14.35 – ataatsimiinneq nangeqqippoq.

4. Ilinniartitsisutut sulinermi ileqqorissaarnikkut anguniartuagassaq

Siulittaasoq Sivso Dorhip siunnersuut oqaaseqarfigaa ilaatigullu oqarluni, taanna siunnersuutaasoq, ukiut pingasut sulissutigineqarsimasoq, qulequtaasorlu oqaasertalertariaqartoq. Siunnersuummi isumassarsiat arlalinnugit sammineqarput, angajoqqaanik suleqatinillu oqaloqatiginnissutigisinnaasavut. Siulersuisoqarfik neriuppoq, siunnersuut maanna saqqummiunneqartutut isikkoqarluni akuerineqassasoq.

Cecilie Vahl, Nuuk sianigeqquaa kalaallisut nutsernerata ilaani pitsaassuseqarnera naammangitsoqartoq, taamaassarlu.

Siulittaasoq Sivso Dorph akivoq, qallunaatoortaa aallaavigineqassasoq nutserneralu pitsaalluinnartoq kingornagut suliarineqassasoq.

Aqutsisup siunnersuutigaa, siunnersuut misissorneqassasoq immikkoortukkuutaarlugu.

Immikkoortoq I

Ulla Nielsen, Sisimiut aperivoq suna isumagineqarnerasoq oqaaseq ”tikinneqarsinnaasoq” oqaaseqatigiinni ukunani atorneqarmat: ”Ilinniartitsisup atuortoq isumassuinermik takutissavaa, taassumanillu tikinneqarsinnaassaaq, ammalluni tusarnaarlunilu anguniarlugulu, atuartup ilinniartitsisoq ima paasissagaa, isertuaatsumik oqaloqatigisinnaallugu, tamanna pisariaqartinneqassappat”.

Siulittaasoq Sivso Dorph akivoq, isumagineqartoq piffissaq suliffusoq.

Trine Juul, Nuuk: Qanoq issava allakkaanni ”ullormut sulinermini”.

Erik S. Jørgensen, Qaqortoq: Uanga isumaqarpunga, ulloq unnuarlu saaffigineqarsinnaajuarlunga, isumaqatigaaralu siunnersuummi ”tikinneqarsinnaasoq”.

Siulittaasoq Sivso Dorph akivoq, isumaqarluni, allassimanera atuinnassagipput.

Sinniisoqarfik akuersivoq.

Immikkoortoq II

Oqaaseqarfigineqanngilaq

Immikkoortoq III

Oqaaseqarfigineqanngilaq

Immikkoortoq IV

Oqaaseqarfigineqanngilaq

Immikkoortoq V

Oqaaseqarfigineqanngilaq

Immikkoortoq VI

Oqaaseqarfigineqanngilaq

Aqutsisup qinnutigaa qanoq isumaqarnermik ersersitsisoqassasoq, siunissami tassaassanersoq IMAKp ilinniartitsisutut sulinermi ileqqorissaarnikkut anguartuagassarissaa.

Siunnersuut tamanit akuerineqarpoq.

5) Tunngavigisat suliniutillu programiat

Siulittaasup tullia Paul Raahauge’p , Nanortalik tunngavigisat suliniutillu programiat saqqummiuppaa inassutigalugulu siunnersuut saqqummiunneqartoq akuerineqassasoq. Aqutsisup inassutigaa, siunnersuut misissuataarneqassasoq.

Meeqqat atuarfianik ineriartortitsisneq

Oqaaseqarfigineqanngilaq

Akissarsiatigut aamma atorfinitsitaanermi pissutsit

Oqaaseqarfigineqanngilaq

Piffissaq suliffiusoq

Oqaaseqarfigineqanngilaq

Sulinermi avatangiisit

Pierre André Krogh, Narsaq qinnutigaa suleqatigiinnermut ataatsimiititaliat sianigissagaat inuttut ineriartorneq.

Sulisoqarnermut politikki

Kattie E. Motzfeldt, Narsaq erseqqissarumavaa, kommunip sulisoqarnermut politikkeqarnissaa saneqqunneqarsinnaanngitsaq.

Siulittaasooq Sivso Dorph akivoq, soorunami inatsisit malittarisassallu atuuttut toqqaammavigineqassasut, kisianni suleqatigiinnermut ataatsimiititaliat siunnersuuteqarsinnaasut.

Ilinniartitaanermut politikki

Trine Juul, Nuuk ugartorpaa tapersiinissaq timelærerit ilinniartitaanerannut.

Siulittaasup tullia Paul Raahauge akivoq, atuarfiit pisortaat timelærerillu pillugit ilanngunneqarsinnaalluartut.

Allanik oqaaseqartoqanngimmat aqutsisup immikkoortoq Siunnersuut IMAKp tunngavigisanut suliniutinullu programia taasissutigittippaa.

Siunnersuut IMAKp tunngavigisanut suliniutinullu programia tamanit akuerineqarpoq.

6. Siunnersuutit IMAKp ileqqoreqqusaasa ilaasa allannguuteqarnissaannik

Aqutsisup sianigeqquaa, ileqqoreqqusat allannguuteqarnissaannik taasissutiginninnermi 2/3’ imik amerlanerussuteqassasoq.

Siunnersuut 1

Formanden Sivso Dorph saqqummiuppaa siunnersuut 1

Oqaaseqartoqanngilaq, siunnersuullu taasisutigitinneqarpoq tamanillu akuerineqarluni.

Siunnersuut 2

Formanden Sivso Dorph saqqummiuppaa siunnersuut 2

Trine Juul, Nuuk erseqqissarpaa, siunnersuummut tunngaviusoq tassaasoq, IMAKp tamatumuunakkut ilaasortani nutaat ajunnginnerulaartumik inissisimatilissagai.

Siunnersuut tamanit akuerineqarpoq. Forslaget blev enstemmigt vedtaget

Siunnersuut 3

Formanden Sivso Dorph saqqummiuppaa siunnersuut 3

Siunnersuut tamanit akuerineqarpoq oqaaseqaarfigeqqinnagu.

Siunnersuut 4

Aase Lundfald, Ilulissat siunnersuutini b saqqummiuppaa, tamatumani pineqarluni, IMAKp sapinngisamik amerlanerpaanik ilaasortaqaarnissaa, timelærerit sap. ak. 15 tiimit sinnernagit tiimeqartut affaannarmik ilaasortaannermut akiliuteqartillugit.

Siulittaasoq Sivso Dorph akivoq, siulersuisoqarfiup Aase Lundfaldip siunnersuutaa isumaqatigigaa

Aqutsisup paasivaa, Aase Lundfaldip, Ilulissat, aamma siulersuisoqarfiup siunnersuutaa assigiilluinnangajattut, tamatumalu kingornagut Aase Lundfaldip siunnersuutini tunuartippaa.

Siunnersuut 4 tamatuma kingornagut tamanit akuerineqarpoq.

Siunnersuut 5

Aqutsisup paasivaa, siulersuisoqarfiup siunnersuutini tunuartikkaa.

Nal. 15.10 ataatsimiinneq unitsinneqarpoq nal. 15.35ip tungaanut.

Nal. 15.35 ataatsimiinneq nanginneqarpoq.

7. Naatsorsuutit

Immikkoortumi pineqarput:

Ukiumoortumik naatsorsuutit 2003

Immikkut Angingaasaateqarfik – ukiumoort. naatsorsuutit 2003

Feeriarluni angalaniss. aningaasaateqarfik – ukiumoort. naats 2003

IMAKp naatsorsuutai ukiumoortut 2003

Siulittaasoq Sivso Dorph IMAKp naatsorsuutai ukiumoortut saqqummiuppai aamma siulersuisoqarfiup nassuiaatai ilaatigut IMAKp amigartoorutai 327 t. kr, naatsorsuutini qup. 4’mi takuneqarsinnaasut.

Lars E. Hansen, Alluitsup Paa: Soqutiginarsimavoq pissarsinarlunilu isornartorsiuutigaluni kukkunersiuineq, kajumissaarutigaaalu allat suliamik tassannga tiguseqqullugit. Aammattaaq **Jensigne Bergstrøm**, allatseqarfik, assut nersualarneqarpoq, aaqqissuullugaasumik sulineq pillugu.

Isornartorsiuiutigalutik kukkunersiuisut sinnerlugit Lars E. Hansen, Ulluitsup Paa nalunaarutigaa, isornartorsiuiutigalutik kukkunersiuisut naatsorsuutit akuerisinnaagaat.

IMAKp ukiumoortumik naatsorsuutai sinniisoqarfimit tamarmiusumit akuerineqarput. Aqutsisup nalunaarutigaa naatsorsuutit pisussaaffiliinertaqanngitsumik akuerineqartut.

Immikkut Aningaasaateqarfik – ukiumoortumik naatsorsuutit 2003

Immikkoortoq Immikkut Aningaasaateqarfik – ukiumoortumik naatsorsuutit 2003 siulersuisoqarfiup qinnuteqarnera malillugu matoqqasunnigortinneqarpoq. Qaaqqusat – ilanngunnagit DLF'ip sinniisui – ataatsimiinneq qimappaat

Siulittaasoq Sivso Dorph naatsorsuutit saqqummiuppai. Naatsorsuutit Immikkut Aningaasaateqarfik tamanit akuerineqartoq apeeput 1 **Stepfen P. Andersen, Aasiaat, Erik S. Jørgensen, Qaqortoq** aamma apequtit 2 **Birthe Kleist, Sisimiut** akineqareermata..

Aqutsisup nalunaarutigaa naatsorsuutit Immikkut Aningaasaateqarfik pisussaaffiliinertaqanngitsumik akuerineqartut.

Tamatuma kingornagut ataatsimiinneq qaaqqusanut ammaqpinneqarpoq.

Feeriarluni angalanissamut aningaasaateqarfik – ukiumoortumik naatsorsuutit 2003

Siulittaasoq Sivso Dorph ukiumoortumik naatsorsuutit saqqummiuppai immikkut quppernerit 4 + 5.

Aase Lundfald, Ilulissat paasiumavaa'i pissutsit timelærerinut tunngasut, **Siulittaasoq Sivso Dorph** akivoq, timelærerit immikkut aningaasaateqarfeqalersut, namminneq aqutassaminnik.

Paasissutissiineq tusaatissatut tiguneqarpoq.

8. Missingersuutit aamma qaammatsiutit ukiuannut tullermut ilaasortaanermut akiliutip aalajangerneqarnera.

Immikkoortumi pineqarput

Missingersuut nutartigaq 2004

Missingersuut 2005

Missingersuut nutartigaq 2004

Siulittaasoq Sivso Dorph saqqummiuppaa missingersuut nutartigaq 2004, ilisimatitsissutigaaalu missingersuut 2004 nutartertariaqarsimasooq TR-kursusinit aningaasartuutit pissutigalugit.

Stepfen P. Andersen, Aasiaat paaserusuppaa, tunissutitut piisaarpallaaluatsiartoqarsimanersoq.

Siulittaasoq Sivso Dorph taama isumaqanngilaq.

Missingersuut nutartigaq 2004 tamanit akuerineqarpoq.

Missingersuut 2005

Siulittaasoq Sivso Dorph missingersuut 2005 saqqummiuppaa, oqaluttuaraalu tamanna kinguneqartoq ilaasortaannermut akiliutip 375 kr/qaammammut allannguuteqannginneranik.

Erik S. Jørgensen, Qaqortoq: Missingersuut naatsorsoqqinneqarsimanersoq, uniffik komma kukkusooq allattoorneqaqqunagu.

Siulittaasoq Sivso Dorph akivoq, suut tamarmik nakkutigineqartut.

Missingersuut 2005 tamatuma kingornagut sinniisoqarfimmit tamarmiusumit akuerineqarpoq.

9. Danmarks Lærerforeningip kongresianut aallartitassamik qinersineq

Siulittaasoq Sivso Dorph inassutigaa siulersuisoqarfik sinnerlugu siulittaasup tullia Paul Raahauge, Nanortalik.

Elisa Isaksen, Nuuk siunnersuutigaa Trine Juul, tulluartautinnginnamiuk siulittaasup tulliatalu ataatsikkut peqanngittarnissaat.

Aqutsisup paasivaa, taamaalilluni qinigassat marluusut, taasissutigineqassasullu, ikinnerpaamillu inuit 5 kissaatigippassuk allalluni taasisoqassasoq, allalluni taasisoqassaaq. Taamaattoqanngilarli.

Siulittaasup tullia qinerneqarpoq 19'inik taaneqarluni, Trine Juul 7'init taaneqartoq.

Siulittaasup tullia Paul Raahauge taamaalilluni IMAKp Danmarks Lærerforeningip kongresianut aallartitaata aapparilerpaa.

Siulittaasoq Sivso Dorph siunnersuutigaa siulersuisoqarfik sinnerlugu Esther Rosing, Nuuk sinniisussatut.

Allanik siunnersuuteqanngilaq Esther Rosingilu, Nuuk Danmarks Lærerforeningip kongresianut aallartitamut sinniisussanngorpoq.

10. Isornartorsiuiutigalutik kukkunersuiusussanik sinniisussaannillu qinersineq

Aqutsisup siulersuisoqarfimmit paasivaa siunnersuutigigaat Lars E. Hansen, Alluitsup Paa aamma Ulla Nielsen, Sisimiut

Allanik siunnersuuteqanngimmat taamaalillutik taakku IMAKp kukkunersuiusorilerpai isornartorsiuiutigisut.

Sinniisussaattut siulersuisoqarfiup siunnersuutigaa Hector Sørensen, Aasiaat.

Allanik siunnersuuteqartoqanngilaq, Hector Sørensenilu, Aasiaat, kukkunersuiusunut isornartorsiuiutigisunut sinniisussanngorpoq.

11. Taasariaqartut allat

Elisa Isaksen, Nuuk aperivoq allanik isumaqatigiissuteqarneris, nutserneqanngitsunik.

Siulittaasoq Sivso Dorph akivoq, isumaqatigiissutit pingaarnert pingasut kalaallisut nutserneqassasut.

Kattie E. Motzfeldt, Narsaq ujartorpaa sinniisoqarfimmi sinniisut ilisaritinneqarnissaat.

Siulittaasoq Sivso Dorph akivoq, isumassarsiaq ajunngitsuussasoq, tullianik sinniisoqarfiup ataatsimiinnerani, sinniisut nikuittarpata imminnut oqaluutuarilartutik aamma suminnngaaneersuullutik.

Pierre André Krogh, Narsaq: Tullianik sinniisoqarfiup ataatsimiinnerani iluassaaq siumut ilisimaneerlugu, kikkut sinniisuuffinnut assigiinngitsnut qinigassanngortinneqarnerisut.

Erik S. Jørgensen, Qaqortoq: Piffissaq suliffiusoq pillugu isumaqatigiissut suliarineqarsimasoq pitsaalluinnarpoq, kisianni naammaginangilaq, IMAKp taamaalillunilu ilaasortat nutserneqarnera akilermassuk.

Siulittaasoq Sivso Dorph akivoq, piumasaq tulluurtuussasoq, tamanna sulisitsisunut piumasarissallugu.

Looqi Schmidt, Ilulissat aperivoq, TRit mapparsagassaar pillugu pilersaarut qanoq ingerlanersoq.

Siulittaasoq Sivso Dorph akivoq, isumagineqartuortoq, TRit mappersagaat saqqummersinneqassasoq, kisianni suliaq uninngasimasoq, isumaqatigiinniarluni sulineq TRillu kursuserarnerat pissutigalugit..

Elna Heilmann, Maniitsoq paasiumavaa ajornannginneris, TR-kursusini suliarineqartut najoqqutassat siunnersuutit IMAKp hjemmesideanut, qupperneq paasissutissiisarfirmut, ikissallugit.

Lisbeth Frederiksen, allatseqarfik akivoq, tamanna anguniagaasoq, kisianni qularnaaqqaarlugu, najoqqutassat atuuttut iluanniinnersut.

Trine Juul, Nuuk oqaluttuarpoq, saqitsaannerup nalaani qanoq iliorsimaneq pillugu nalunaarsuorsiorsimallutik. Piffissaq iluatsillugu qujavoq Nuummiittunut sinerissamiittunullu tamanut suliumajunnaarnermi tapersersuineq pillugu.

Cecilie Vahl, Nuuk nuannaarutigaa, suliumajunnaarner Nuummi pisimammat, tassani tatigisatut sinniisut periarfissaqarsimallutik imminnut tapersersoqatigiinnissamut. Aammattaaq Cecilie Vahl qujavoq tapersersorneqarnermut IMAKmiit sinerissamiillu..

Tamatuma kingornagut allanik oqaaseqartoqanngimmat aqutsisup paasivaa, oqaluuserisassat oqaluuseqineqareersut qujallunilu sinniisoqarfiup ataatsimiinnerata ajunngitsumik pissuserissaartumillu ingerlanneqarneranut.

Siulittaasoq Sivso Dorph qujavoq ataatsimiinnermut ajunngitsumut, ilimagisimagaluarlugulu sivilunerulaartumik ingerlanneqarumaartoq.

Siulittaasoq Sivso Dorph isumaqarpoq, sinniisoqarfiup ataatsimiinnera taanna ajunngitsuusoq sinniisut isumaat ilanngullugit, ajuusaarutigingajaannarpaalu taama sukkatigisumik ingerlammat. Sinniisut qinnuigai angerlarunik ilaasortat tamaasainuullaqquteqqullugit.

Naggataagut Siulittaasoq Sivso Dorph, oqarpoq, maanna tamatta nalujunnaaripput, qanoq sammivilimmik ingerlaqqinnissarput.

Sinniisoqarfiup ataatsimiinnera 2004 naammassivoq nal. 16.40.

Sivso Dorph
IMAKp siulittaasua

Mikkel Michelsen
Aqutsisoq

[Bilag:](#)

[Kiip's indlæg](#)

[Kanukoka](#)

